

SARS e dirile lesolo la dipuruputšo le ditshwaro ka go disektara tša go fapafapana

Tshwane, 7 Aprele 2022 – Ditirelo tša Motšhelo tša Afrika Borwa (SARS) ka tirelo ya yona ya Karolo ya Bosenyi bja Digongwana bja Motšhelo le Khasetomo, di dirile dlthahlobo gammogo le lesolo la tša dipuruputšo le ditshwaro ka go ditheo tša dipanka, disektara tša metsoko le disekerete, dinotagi, di intasteri tša gauta le diaparo ka KwaZulu-Natal, Kapa Bodikela le Gauteng.

Meago yeo e tlhahlobilwego gape e purupuditšwego e akaretša magae a balefela motšhelo ba bangwe le bašomedi ba intasteri ya gauta le panka. Ditshepetšo di nyalelana le dinyakišišo tša go naba le di oditi tša kelelo ya tšhelete yeo e sego molaong le kgwebo yeo e sego molaong ya gauta, dinotagi, diaparo le ditšweletšwa tša disekerete le metsoko.

Nepo ya ditseno gare tše e gabedi: Sa pele, di thuša SARS ka tiišetšo ya yona ya tshepetšo ya obamelo ya motšhelo le go laetša tshedimošo yeo e ka thekgago di oditi tše bjalo. Sa bobedi, SARS e ka tiišetša bohlatse bja yona bjo bo lego pepeneneng bakeng sa kgonagalo ya lesolo la bosenyi.

Ditseno gare tše di tlhomilwe morago ga ge kgonagalo ya dipharologano e laeditšwe ka go ditaodišo tša khasetomo le dipušetšo tša motšhelo tša go nyalelana le ditheo tšeo gammogo le ditatamente tša panka tšeo di bego di sa tshephagale.

Go enngwe ya ditheo tšeo di bego di lebantšwe, SARS e hweditše taeleleo ya go dira dipuruputšo le ditshwaro tša moago wa Bullion Star (Pty) Ltd ka Mošupologo wa la 28 Matšhe 2021 ka Kgorotsheko Kgolo ya ka North Gauteng. Bullion Star ke bohwekišetšo bja gauta gomme e na le dinolofatša tša go fetšetša dimenerale go ditšweletšwa tša boleng bja godimo, tšeo di ka rekišwago ka mo nageng goba tša išwantle. Bullion Star ke kgwebo ya kišontle yeo e ngwadišitšwego.

Go pharologano ya Bullion Star le dipušetšo tša motšhelo tšeo di rometšwego morago go SARS, pušetšo ya VAT yeo e rometšwego bakeng sa ngwaga wa ditšhelete wa 2022/02 e laeditše kleimi ya pušetšo ya palo ya R13.9 million. Pele ga mafelelo a Janaware 2022, Bullion Star ga se nke e romele dithoto ka ntle, eupša ka Feberware 2022, Bullion Star e išitšentle gauta yeo e sa tšweletšwago ya palo ya go feta R126 million.

Pharologano ye e dirile gore Bullion Star e kgethwe bakeng sa oditi ya merero ya yona ya motšhelo gomme tagafala ya dipuruputšo e ile ya ntšhiwa go hwetša tshedimošo ya mabapi le dithoto tšeo di rekišitšwego gomme tša išwantle ke Bullion Star.

Tagafala e tšweleditšwe meagong ye meraro. Le ge go le bjalo, Bullion Star e ganeditše SARS phihlelelo ya meago ya dikgwebo tša yona le difatanaga tšeo di lego meagong ya yona. Kgatišo ya video ya sekhurithi e laeditše gore dithoto di tlošitšwe ka meagong ya kgwebo gomme tša lokelwa ka gare ga sefatanaga seo se lego meagong ya kgwebo, pele ga ge SARS e kgona go tsena ka meagong. Go ya ka kotsi ya gore dithoto tše di ka ba bohlokwa kudu bakeng sa dinyakišišo tša SARS, ka thušo ya Ditirelo tša Maphodisa tša Afrika Borwa le Kgoro ya Dinyakišišo tša Bosenyi bja Pele (Hawks), SARS e tshwere bohlatse go tšwa ka difatanageng.

Ka tsela ya go swana, badudi ba moago wa molaodi wa Bullion Star gape o ganeditše SARS go tsena ka moagong wa legae gape le go fa SAR didirišwa tša elektroniki. Meago le megala go dumelwa gore di tshwere tshedimošo e bohlokwa ya dinyakišišo. SARS e kgopetše thušo ya SAPS go kgona go tsena meagong le go tshwara dithoto tšeo di lego meagong.

SARS e hlohleletša balefela motšhelo ka moka le bagwebi go kgonthiša gore boitlamo bja bona bja motšhelo le khasetomo di dirwa ka nako gape ka obamelo ya melao ya motšhelo le khasetomo. Go tšwelapele, SARS e rata go leboga SAPS le DPCI bakeng sa go šoma go ya ka mohlakowa mmušo wa go tiišeletša gore ditseno gare tše di tšweletšwa ka katlego.

Khomišnare wa SARS, Mrn. Edward Kieswetter, o gateletše boikgafo le katološo ya setheo le mmušo ya ntwā kgatlhanong le kgwebo yeo e sego molaong le ditiragalo tša bosenyi bja ekonomi. O boletše gore, “Batho bao ba tlogago ba ikemišeditše go gatelela ba bangwe ka seo se ba swanetšego ka go foronyaka ditseno le ditiragalo tše dingwe tša go se obamele, ba tla lotolwa gomme ba otlwa go ya ka molao. Maitshwaro a mohuta wo a tla hlokofatšwa le go lefišwa dikotlo tša godimo.”

Go hwetša tshedimošo enngwe, ka kgopelo ikgokaganye le SARSmedia@sars.gov.za